

**«Қазақстан Республикасы Әділет министрлігінің қызметі туралы» деген тақырыпта өткен Үкімет сағатының нәтижелері бойынша  
ҰСЫНЫСТАР**

Қазақстан Республикасының Үкіметіне мыналар ұсынылады:

**1. Заң жобалау жұмысын жетілдіру мақсатында:**

1) нормативтік құқықтық актілер жобаларының ғылыми сараптамаларының сапасын арттыру және өткізудің ашықтығын қамтамасыз ету үшін оларды әзірлеу және өткізу тәртібін заңнамалық деңгейде қайта қарастырсын;

2) заң жобаларын қабылдаудың ықтимал экономикалық, әлеуметтік және құқықтық салдарлары болжамдарының ғылыми негізділігін қамтамасыз етсін;

3) заң жобалары мәтіндерінің теңтүпнұсқалығының сапасын жақсарту мақсатында заң жобаларын әзірлеуші мемлекеттік органдар мен Заң шығару институты Лингвистика орталығының Парламент Палаталары Аппараттарымен, Премьер-Министр Кеңсесімен өзара іс-қимылын ұйымдастырсын;

4) Парламент депутаттары заң жобаларына бастамашылық жасаған кезде Заң шығару институтының күшімен консультациялық көмек көрсетуді қамтамасыз етсін.

**2. Зияткерлік меншік құқықтарын қорғауды қамтамасыз ету мақсатында «Қазақстан Республикасының кейбір заңнамалық актілеріне зияткерлік меншік саласындағы құқықтық реттеу мәселелері бойынша өзгерістер мен толықтырулар енгізу туралы» Заңның жобасына әзірленген Тұжырымдама шеңберінде:**

1) сыйақыларды алудың және төлеудің бірыңғай тәртібін көздей отырып, авторлардың және өзге де құқық иеленушілердің құқықтарын ұжымдық басқару жөніндегі ұйымның қызметін ретке келтіруге бағытталған шараларды;

2) құқықтарды ұжымдық басқару жөніндегі ұйымдардың өз міндеттерін орындамағаны немесе тиісінше орындамағаны үшін жауапкершілігін көздейтін норманы;

3) Патент заңында құжаттарды берілген өтінім бойынша тапсыру мерзімін ұзарту негіздерінің түбегейлі тізбесін қарастыратын болсын.

### **3. Атқарушылық іс жүргізу органдарының қызметін жетілдіру мақсатында:**

1) атқарушылық іс жүргізу органдарына сот актілерін орындау тәртібінің бұзылуына байланысты қылмыстық істерді тергеу өкілеттіктерін беру жөніндегі заңнамалық бастама туралы мәселені қарайтын болсын;

2) өндіріп алынған атқарушылық санкцияның бір бөлігін бөлу арқылы мемлекеттік сот орындаушыларын материалдық ынталандыру мүмкіндігін қарастырсын;

3) тәркіленген мүлікті республикалық меншікке өтеусіз берудің ерекше тәртібін енгізу жөнінде шаралар қабылдасын;

4) алименттік төлемдерді төлемейтіндердің толық деректемелерін (аты-жөнін, туған жылын, берешек сомасының мөлшерін) көрсете отырып, олар туралы бірыңғай орталықтандырылған деректер базасын құру мәселесін қарастырсын. Бұл ретте, мұндай деректер базасының тиісті мемлекеттік органдарға да, азаматтарға да қолжетімді болуына назар аудару қажет;

5) алименттік төлемдерді әдейі төлемейтіндерге әкімшілік айыппұл салу және оларды қылмыстық жауапкершілікке тарту түріндегі жазаны қатайту арқылы борыштарын, оның ішінде алименттік төлем берешектерін өндіріп алудың құқықтық тетіктерін жетілдіру мәселесін, сондай-ақ жұмысқа орналасқан кезде борыштарының, оның ішінде алименттік берешектерінің бар-жоғын растайтын анықтаманы талап ету міндеттілігін енгізу мүмкіндігін қарастырсын.